

civem Mediolanensem, sapientem virum atque discretum, in eorum vocaverunt potestatem. Hic praedictos montanarios ad satisfaciendum civitati, maxime super facto collectae, sapienter coegit (76).

De papa Lucio.

CAP. LXXXXVI.

Anno eodem (77), dominus Lucius papa tertius, dum iret Veronam, Faventiam in ^{(28) Junij} vigilia Apostolorum Petri et Pauli venit. Altera vero die ad matricem Ecclesiam ^{(29) Junij} missam dignatus est celebrare (78).

Quando comes Bretoldus [a] venit Faventiam.

CAP. LXXXXVII.

Postquam sic omnes suos Faventini contriverant inimicos, quod ab Amolensibus duo recipiebant pallia annuatim, a Castro Leonis, de voluntate et consensu Ravennatum ac Liviensium, unum, a Castro Salutari [b], unum, a comite Guidone, bizantium unum, a comitibus Bagnacaballi, unum, et a quamplurimis castellis pensionem ceræ [c], adeo intumuerunt, quod tantam victoriam, cunctis eis concessam, non Domino sed suis visi sunt ascribere viribus. Deficiente itaque hoste extrinseco [d], more vipereo [e], saevire coeperunt in suos, incipientes a domo Domini. Collegerunt ergo [f] tunc primo rusticos et supersedentes ecclesiarum [g] atque nobilium [h]. Quidam praeterea filii Bellial [i], ut Guillelmo Burro [j] in adventu suo providerent in victualibus, ostia granarii et cellarii [k] matricis Ecclesiae, monasteriorum atque hospitalium ausu fregerunt temerario, inde pro eorum arbitrio panem auferentes et vinum. At Iohannes bonae memoriae praesul Faventinus omnes ecclesiarum violatores tamdiu excommunicationis vinculo illaqueavit, quousque plenissime Ecclesiae satisfecerint [l]. Porro comes Iulianus et Lambertus fautores Nobilium [m] de voluntate ipsorum, post multas preces frustra rectoribus et civibus sparsas, quod eis eveniebat domino Bretuldo, imperatoris [n] Frederici in Italia delegato, lacrymabiliter narraverunt, ut cives, saltem tanti principis amore aut timore, a tam crudeli vexa-

[a] Comes Bretoldus, C. M.; Comes Bertaldus, C. V. — [b] a Castro Salutari. Codd. sic. Gregorius Zuceulus, *Castrum Salutare*, accipit pro Solarolo. Num recte? — [c] pensione ceræ, C. V.; pensionem ceræ, C. M. — [d] hoste extrinseco, C. M.; hoste extincto, C. V. — [e] more vipereo. Cl. Mitt. addit more; nam in Codd. tantum legitur, *in vipereo*. — [f] Collegerunt ergo, Codd. M. et V.; idest, misero in contribuzione. — [g] supersedentes Ecclesiarum. Sic Codd., idest praesides ecclesiarum. — [h] atque nobilium, Codd. An legendum: *atque nobiles*? — [i] filii Bellial. Sic Codd.: valet ac filii Daemonis. — [j] Guillelmo Burro. Sic lego: nam ut patet ex Cap. LXXXXVI, paulo ante, scilicet anno 1184, eum in potestatem vocaverant, ac expectabant. Codd. habent: *Guillio Luero*. — [k] granarii et cellarii, C. V. In C. M., *granarii et cellarii*. *Cellarium* hic sumitur pro cella vinaria. — [l] Ecclesiae satisfecerint, C. M.; Ecclesiae satisfacerent, C. V. — [m] fautores Nobilium, C. V.; fautores Nobilium, C. M. — [n] Bretuldo Imperatoris. Sic hic Codd.